

傷寒發微



歲時廣記末卷

廣寒仙裔陳

元靚

編

總裁

寅午戌月

坦庵拜命歷今人不用正五九月訪彼名流稽

諸故實皆無所據愚常論之正五九月斗建寅

午戌屬火臣為商商為金火能制金是以忌之

本朝以火德王天下火生在寅旺在午墓在戌
應公家事並作商音商屬金敗于午衰于戌絕
于寅以絕敗衰耗之金豈敢犯生旺墓金之火
又况君臣自有定分故不用也彈冠必用亦以

卷末



此三月壇經云正月上旬與九月下旬吉往賢
爲元月

本旨以正月上旬火力猶微九月下旬火力已

減故不曰凶或得吉日時辰此不足執惟金曹

避之尤緊

正五九月

容齋隨筆釋氏一說正五九月天帝釋以大寶

鏡輪照四天下寅午戌月正臨南贍部洲故奉

佛者皆茹素以徼福官司謂之斷月故受驛券

有所謂羊肉者則不支俗謂之惡月士大夫赴



官者輒避之或謂唐日藩鎮蒞事必大亨軍屠
殺羊豕至多故不欲以其月上事今之他官不
當爾然此說亦無所經見予讀晉書禮志穆帝
納后欲用九月九月是忌月北齊書云高洋謀
篡魏其臣宋景業言宜以仲夏受禪或曰五日
不可入官犯之終於其位景業曰王爲天子無
復下期豈得不終於其位乎乃知此忌相承由
來久矣竟不能曉其義及出何經典也

避三長月

平五日
陰自今五日
正日

藝苑雌黃唐武德二年正月詔自今正月五月
九月不行死刑禁屠殺予嘗考之此蓋本於淨
屠氏之教所謂年三長齋是也釋氏智論云天
帝釋以大寶鏡照四大神州每月一移察人善
惡正五九月照南瞻部洲故以此月省刑修善
斷獄律諸立春以後秋分以前決死刑者徒一
年其所犯雖不待時若於斷屠月及禁殺日而
決者各杖六十疏議云斷屠月謂正月五月九
月蓋唐時始以此著之令式正五九月斷屠卽



有閏月各同正月亦不得奏決死刑今人泥此
名三長月如之官赴任之類一切皆避是月未
知此何理也

雜不與天用前半月亦不宜用
瑣碎錄京師貴家用事多在上旬門戶吉慶和
合興旺逐月初五日月生魄幹事隨天地之氣
請賓客和合多在月半之前若月望後氣候漸
弱全不中用林朝廷拜相亦用上旬

避齋閉竇五不祥日日四日十六日十日



遯齋閑覽每月初四日初七日十六日十九日
爲四不祥日林復之言上官用此日鮮有善罷
屈指凡八九人如此又方君云初四日辰雖佳
亦不可上官若更值丁日尤不佳有親必憂去
又法有增二十八日謂五不祥大忌上官其日
雖不犯兀縱得吉辰亦不宜用歐陽參政記事
云犯此日者多不終任應上官嫁娶必參差沈
存中筆談云常歷數親知犯此日皆不得善脫

百問百答十惡大敗

不醫不藥不問不答



提要錄日之十惡大敗自古名之舊矣今佛書
大藏元黃經中所謂十惡大敗始與常之所謂
不同迺以甲巳年三月戊戌日七月己亥日
月丙申日十一月丁酉日乙庚年四月壬申日
九月乙未日丙辛年三月辛未日九月庚辰日
十月甲辰日戊癸年六月己丑日除丁壬年中
無日外前之八年內遇此十日者乃十惡大敗
日用之百事不宜切須避忌

選齋開諸家元日忌武日不伏官人忌不與其



遯齋閑覽仕宦多忌兀日不赴官人多不曉其
義或云瓦日然兀日數家之說不同最爲無據
彈冠必用所載有年兀月兀日兀時兀大兀
兀上兀下兀又有大小月兀法逐月上下兀法
六輪兀別法傳神經兀法百忌歷兀法通仙六
局兀法演星禽兀法並詳見上官拜命玉歷然
今之士夫信用與萬年口口歷所載乃六輪經
上下兀日法其上起正月陰年巽上起正月並
順行月上便起初一若逢閏月則於本月上起



初一只數六位震兌二宮不數遇巽爲上兀遇
坤爲下兀蓋兀者兀陞不安也瓦者謂瓦解離
散也

正誤時日

三曆撮要十惡日甲辰乙巳與壬申丙申丁酉
及庚辰戌戌巳亥加辛巳己丑都來十位神然
則甲寅旬無十惡日蓋丁亥誤作丁酉癸巳誤
作巳亥也又貴人時日甲戌庚牛羊乙巳鼠猴
鄉丙丁猪雞位壬癸兔蛇藏六辛逢馬虎此是



貴人鄉何甲戌庚三位皆牛羊而辛獨逢馬虎
亦世傳訛耳或以爲甲戌見牛羊而辛獨逢馬
識者鑒諸

甲子占雨

朝野僉載春雨甲子赤地千里夏雨甲子乘船
入市秋雨甲子禾頭生耳冬雨甲子飛雪萬里
一云雙日甲子□□少應唐俚語云禾頭生耳
蓋禾粟無生耳者禾頭□□□□是也杜甫詩
云禾頭生耳黍穗黑



甲申占雨

占書凡甲申雨五穀貴大雨大貴小雨小貴若
溝瀆漲滿急聚五穀甲申至己丑風雨糴貴

六十日

庚寅占雨

占書凡庚寅至癸巳風雨皆主糴折以入地五
寸為候五月為麥六月為黍七月為粟八月為
菽麥九月為穀皆以此則之假令五月雨庚寅
即麥折錢他月倣此



甲寅占雨

占書春三月雨甲寅乙卯夏穀貴一倍夏雨丙寅丁卯秋穀貴一倍秋雨庚寅辛卯冬穀貴一倍冬雨壬寅癸卯春穀貴一倍

沐浴禁忌

西山記沐旬浴五夫五則五氣流傳浴之榮衛通暢旬則數滿復還真氣在腦沐之則耳目聰明若頻浴者血凝而氣散雖肌體光澤久而損氣能成癱瘓之疾者氣不勝血神不勝形也若



頻沐者氣壅于腦滯于中令人體重形疲久而
經絡不能通暢老君實錄云誦加句天童經規
水沐浴百病皆愈

房室避忌

修真秘訣四時八節弦望晦朔本命之日魁罡
值日六甲日六丁日甲子日庚申日子卯日爲
天地交會之辰特忌會合違者減年奪算又庚
申論云五月五日六日七日十五日十六日十
七日廿五日廿六日廿七日爲九毒日切宜齋

戒尤忌色慾犯之減壽一云是日宜別寢犯之
三年致卒

早暮謹戒

黃帝雜忌一日之忌暮無飽食一月之忌暮無
大醉一歲之忌暮無遠行終身之忌暮無燃燭
行房又仙經云一日之忌暮無飽食一月之忌
暮無遠行終身之忌暮常護氣又道林曰晦日
不歌朔日不哭

鞞鞞應時



北京中医药大学图书馆

馬癡記王武子好馬非馬不行正旦則柳葉金障泥上元則滿月韉清明則剪水鞭重午則簪嬌鞞八月中秋則玉滿璫絡頭重陽則蟬兒鞞春秋社則塗金鞞冬至則嘶風鞞除日則藥玉鞞每節日則餵馬以明砂豆薔薇草並並

北人打圍

使遼錄北人打圍一歲間各有所處正月釣魚海上於水底釣大魚二月三月放鶻號海東青打雁四月五月打麋鹿六月七月於涼處坐夏



八月九月打虎豹之類自此直至歲終如南
趁時耕種也

龜茲戲樂

酉陽雜俎龜茲元日鬪羊馬駝爲戲七日觀勝
負以占一年羊馬減耗繁息也婆邏遮並服狗
頭猴面男女無晝夜歌舞八月十五日行像及
透索爲戲焉耆元日二月八日婆摩遮三日野
祀四月十五日遊林五月五日彌勒下生七月
七日祀先祖九月九日牀撒十月十日王爲厭

